

«hambi» ilovasida smartfonlar o‘yinini o‘tkazilish qoidolari

Ushbu Aksiya hambi ilovasining foydalanuvchilari xavfiga asoslanmagan va faqat foydalanuvchilarni rag‘batlantirish, ularning sonini saqlab qolish, yangi foydalanuvchilarni jalb qilish va “Unitel” MChJning raqobatbardosh imidjini yaratish uchun mo‘ljallangan.

Toshkent sh.

“hambi” ilovasida smartfonlar o‘yinini o‘tkazilish qoidalari (keyingi o‘rinlarda – **“Qoidalar”**) quyidagilarni o‘z ichiga oladi: “Bahor yarmarkasi” aksiyasi doirasida (keyingi o‘rinlarda – **“Aksiya”**) smartfonlar o‘yining o‘tkazilish tartibi, smartfonlar o‘yinida ishtirok etish shartlari (keyingi o‘rinlarda – **“O‘yin”**), shuningdek, sovrinlar, ularni g‘oliblarga taqdim etish tartibi va shartlari. “Bahor yarmarkasi” Aksiyasi shartlari bilan “hambi” ilovasida va Kompaniya www.beeline.uz manzilidagi saytida tanishishingiz mumkin.

Ushbu Qoidalarda quyidagi tushunchalar qo‘llaniladi:

- **Foydalanuvchi** – muayyan funksiyani bajarish uchun “hambi” ilovasidan foydalanadigan jismoniy shaxs;
- **Abonent raqami** – Abonent uskunasi boshqa qurilmalar bilan aloqasi paytida telekommunikatsiya tarmoqlarida identifikatsiya qilib, xizmat ko‘rsatish uchun Abonentga shartnoma asosida ajratiladigan raqam;
- **Kompaniya/Operator** – “Beeline” savdo belgisi ostida uyali aloqa xizmatlarini ko‘rsatuvchi va Aksiya tashkilotchisi bo‘lgan “Unitel” MChJ;
- **G‘olib** – tasdiqlangan sovrinlardan birini yutib olgan O‘yin ishtirokchisi;
- **Ishtirokchi** – ushbu Qoidalariga muvofiq O‘yinda qatnashish huquqiga ega bo‘lgan hamb i lovasining foydalanuvchisi.
- **“hambi” ilovasi** – axborot va texnologik yondashuvlar uchun mo‘ljallangan va ixtisoslashtirilgan kompyuter dasturlari mahsulotlari majmuasidan iborat axborot tizimidir.
- **Qutichalar** – O‘yin o‘tkaziladigan “hambi” ilovasi ichidagi funksional.
- **Kompaniyaning rasmiy sayti** - Kompaniyaning rasmiy veb-sayti: www.beeline.uz.

O‘yin o‘tkazilish muddati:

2025-yil mart-aprel oylarining quyidagi sanalarida: 20.03.; 25.03.; 28.03.; 31.03.; 04.04.; 08.04.; 17.04. UTC+5 bo‘yicha soat 10:00 dan 23:59 gacha yoki sovrinli o‘yinining tugashigacha, qaysi holat birinchi yuz berishiga qarab.

Aksiyaning amal qilish hududi: O‘zbekiston Respublikasi.

G‘oliblarni aniqlash joyi: “hambi” ilovasidagi Aksiya sahifasi.

I. Aksiya ishtirokchilariga qo‘yiladigan talablar

1.1. O‘yinda quyidagi talablarga javob beradigan barcha Foydalanuvchilar ishtirok etishlari mumkin:

- Foydalanuvchi “Qutichani” Aksiya sahifasida kamida 1 (bir) marotaba ochishi kerak.

1.2. O‘yinda quyidagilar qatnashish va/yoki sovrin olish huquqiga ega emas:

- Ushbu Qoidalarining 1.1-bandida belgilangan talablarga javob bermaydigan jismoniy shaxslar;

- O‘yin davomida kompaniya bilan mehnat munosabatlarida bo‘lgan jismoniy shaxslar, shuningdek, ularning yaqin qarindoshlari;

- Kompaniyaning affillangan shaxslari, shuningdek O‘yin o‘tkazish mobaynida Kompaniyaning affillangan shaxslari bilan mehnat munosabatlarida bo‘lgan jismoniy shaxslar, shuningdek ularning yaqin qarindoshlari;

- Kompaniyaning ishonchli vakillari (dilerlari), shuningdek Kompaniyaning ishonchli vakillari va ularning yaqin qarindoshlari bilan mehnat munosabatlarida bo‘lgan jismoniy shaxslar.

II. Sovrin jamg'armasi

2.1. O'yinning umumiy mukofot jamg'armasi quyidagilardan iborat:

- 7 (yetti) dona Honor X7b

2.2. G'olib sovrinni Operatorning O'zbekiston Respublikasidagi istalgan rasmiy ofisidan olib ketishi mumkin.

2.3. Kompaniya G'oliblarga o'z mablag'lari hisobidan sovrinlarni topshirishda O'zbekiston Respublikasining amaldagi qonunchiligida nazarda tutilgan tartibda soliqlar va yig'implarni mustaqil ravishda to'laydi.

III. Aksiyada ishtirok etish va uni o'tkazish shartlari

3.1. Quyidagi shartlarni bajarganlar O'yin ishtirokchilari hisoblanishadi: "hambi" ilovasida "Qutichalarni" ochgan "hambi" ilovasining amaldagi va yangi foydalanuvchilari.

3.2. O'yin quyidagi tartibda o'tkaziladi:

3.2.1. O'yinni o'tkazish davomida Foydalanuvchilar Aksiya sahifasida "Qutichalarni" ochish imkoniyatiga ega, "Qutichalardan" birida ushbu Qoidalarining 2.1-bandida ko'rsatilgan 1 (bitta) mukofot mavjud bo'ladi.

3.2.2. G'oliblar Aksiya sahifasida "Qutichalar" ochilganda tasodifiy tartibda Foydalanuvchilar orasidan aniqlanadi.

3.2.3. Ushbu Qoidalarining 2.1-bandida ko'rsatilgan sovrinlardan 1 (bitta) nomi ko'rsatilgan qalqib chiquvchi oyna "hambi" ilovasida "Quticha" ochilgandan so'ng ko'rsatilgan jismoniy shaxs g'olib hisoblanadi.

3.2.4. G'oliblarni aniqlash natijalari Aksiya o'tkazilish muddati tugaganidan so'ng 7 (yetti) kalendar kuni ichida Kompaniyaning rasmiy veb-saytida G'olibning raqamini ko'rsatgan holda (abonent raqamining dastlabki uch raqami ko'rsatilmaydi) e'lon qilinadi.

3.2.5. "hambi" ilovasi G'olibni aksiya boshlanishidan oldin tanlashga yoki belgilashga imkon beradigan tartib va algoritmlarni o'z ichiga olmaydi

3.2.6. Kompaniya O'yin Ishtirokchilari bilan yozma muzokaralar yoki boshqa aloqalarni o'tkazmaslik huquqini o'zida saqlab qoladi, agarda ushbu shartlarda yoki O'zbekiston Respublikasining amaldagi qonunchiligi talablari asosida ko'rsatilmagan bo'lsa.

3.2.7. Kompaniya Aksiya qoidalariga tegishli ma'lumotlarni Kompaniyaning Rasmiy veb-saytida majburiy joylashtirish sharti bilan ularga o'zgartirish va qo'shimchalar kiritish huquqini o'zida saqlab qoladi.

3.2.8. Kompaniya istalgan vaqt Aksiyani to'xtatish huquqini o'zida saqlab qoladi.

3.3. Aksiya haqida ma'lumot Kompaniyaning Rasmiy saytida mavjud. Kompaniya o'zining xohishiga ko'ra Facebook yoki Instagram ijtimoiy tarmoqlaridagi rasmiy sahifalarida Aksiyaga tegishli ma'lumotlarni joylashtirish huquqini o'zida saqlab qoladi.

IV. Sovrinlarni olish shartlari

4.1. Sovrinni olish uchun Aksiya doirasidagi o'yin G'olibi deb topilgan Ishtirokchi 7 (yetti) kalendar kun ichida Operatorga quyidagi hujjatlarning asl nusxasini va ma'lumotlarni taqdim etadi:

- G'olibning pasporti yoki ID-kartasi;
- Soliq qo'mitasi ma'lumotlar bazasida JShShIR raqami bo'lmagan holatlar uchun tuman migratsiya va fuqarolikni rasmiylashtirish bo'limidan (pasport bo'limi) JShShIR ni ro'yxatdan o'tkazish to'g'risidagi guvohnoma.

4.1.1. Agar G'olib biron-bir sababga ko'ra Sovrinni topshirish jarayonida shaxsan ishtirok eta olmasa, Sovrinni olish uchun hujjatlarni rasmiylashtirish jarayonida ishtirok etish uchun boshqa shaxs (ishonchli vakilga) tegishli ishonchnoma rasmiylashtirib berishi mumkin.

Bu holda, ishonchli vakil quyidagi hujjatlarni taqdim etishi kerak:

- G'olibning pasporti yoki ID-kartasidan nusxa;
- sovrinni olish va sovrinni G'olib nomiga rasmiylashtirish bilan bog'liq hujjatlarni imzolash huquqini beruvchi notarial tasdiqlangan ishonchnoma;
- Ishonchli vakilning pasporti yoki ID-kartasi;
- Soliq qo'mitasi ma'lumotlar bazasida JShShIR raqami bo'lmagan holatlar uchun tuman migratsiya va fuqarolikni rasmiylashtirish bo'limidan (pasport bo'limi) JShShIR ni ro'yxatdan o'tkazish to'g'risidagi guvohnoma.

4.2. Sovrinlarni taqdim etish tartibi:

4.2.1. Kompaniya ushbu Qoidalarining 4.1. (4.1.1.)-bandiga muvofiq sovrinlarni G'olib tomonidan barcha zarur hujjatlar taqdim etilgan kundan boshlab 90 (to'qson) kalendar kun ichida berish huquqini o'zida saqlab qoladi.

4.3. Kompaniya, sovrinlarni G'oliblarga topshirishda soliqlarni (shu jumladan, jismoniy shaxslarning mukofot qiymatidan daromad solig'i) va yig'implarni O'zbekiston Respublikasining amaldagi qonunchiligida nazarda tutilgan tartibda mustaqil ravishda to'laydi.

4.4. Sovrinni rasmiylashtirishda va olib ketish jarayonida G'olib barcha kerakli hujjatlarni shu jumladan G'olibning shaxsiy ma'lumoti, sovrinning QQS bilan ko'rsatigan narxi va boshqa to'liq ma'lumot ko'rsatilgan barcha kerakli hujjatlarga imzo qo'yishi kerak.

4.5. Sovrin G'olibga barcha kerakli hujjatlar imzolanganidan so'ng topshiriladi.

4.6. Agar G'olib Toshkent shahrida emas, O'zbekiston Respublikasining boshqa shahrida yashasa, Kompaniya Sovrinni G'olib yashash manziliga yaqin bo'lgan Kompaniya ofisiga yetkazib berish majburiyatini oladi.

4.7. Kompaniya quyidagi holatlarda G'olibga Sovrinni berishdan bosh tortish huquqiga ega:

- G'olib Sovrin e'lon qilingan kundan boshlab 7 (yetti) ish kuni ichida Kompaniya bilan bog'lanmaganda;
- G'olib Sovrin e'lon qilingan paytdan boshlab 7 (yetti) ish kuni ichida 4.1.(4.1.1.)-bandda ko'rsatilgan kerakli hujjatlarni taqdim etmagan va/yoki taqdim etilgan hujjatlar Aksiya va O'zbekiston Respublikasining amaldagi qonunchiligi talablariga javob bermaganda;
- G'olib o'z imzosini qo'yishdan va/yoki boshqa qonuniy ahamiyatga ega bo'lgan harakatlardan, shu jumladan, zarur hujjatlarni taqdim etishdan bosh tortganda;
- G'olibga Sovrin e'lon qilingan paytdan boshlab 7 (yetti) ish kuni ichida yutganligi to'g'risida xabar qilishning imkoniyati bo'lmaganida - g'olibning raqami bloklangan, tarmoqdan tashqarida, Kompaniyaga bog'liq bo'lmagan boshqa sabablarga ko'ra g'olib telefonni ko'tarmagan va/yoki aloqaga chiqmagan holatlarda;
- G'olib tomonidan Aksiyada ishtirok etish shartlari buzilishi aniqlanganda.

V. Alohida qo'shimchalar.

5.1. Agar G'oliblar biron-bir sababga ko'ra sovrinlarga da'vo qilmasa yoki olishdan bosh tortsa, talab qilinmagan sovrin Kompaniyaning mulki bo'lib qoladi. Bunday holda, o'ynalmagan sovrin keyingi Aksiyalar vaqtida qayta o'ynaladi.

5.2. Agar G'olib ushbu Qoidalarda nazarda tutilgan barcha talab va shartlarga rioya qilmasa, Kompaniya G'olibga sovrinni taqdim etishni rad etishga haqli.

5.3. Kompaniya quyidagi holatlar uchun javobgar emas:

- Ishtirokchilar Kompaniya saytida joylashtirilgan G'oliblar ro'yxati bilan tanishish imkoniyati bo'lmaganida;
- Sovrinlarni olish uchun zarur bo'lgan ma'lumotlar/hujjatlar ishtirokchilarning aybi bilan yoki boshqa sabablarga ko'ra topshirilmagani/o'z vaqtida topshirilmaganida;
- Aksiya shartlarida ko'zda tutilgan talablarni ishtirokchilar tomonidan bajarilmaganida (o'z vaqtida bajarilmaganida);
- O'yin G'oliblari sovrinlarga da'vo qilmagan yoki rad etganligi uchun olmaganlarida;
- Uchinchi shaxslarning aybi va/yoki fors-major holatlari tufayli G'oliblarga sovrinlarni topshirish bo'yicha majburiyatlarni bajarishning imkoni bo'lmagan holatlarida.

5.4. O'yinda ishtirok etish bilan Ishtirokchi:

- Aksiya shartlari bilan to'liq tanishligini tasdiqlaydi va rozi bo'ladi;
- foto - video tasvirga olishda qatnashishga, shuningdek, G'olibning suratini Operatorning ijtimoiy tarmoqlardagi rasmiy sahifalari orqali e'lon qilish va tarqatishga roziligini tasdiqlaydi;
- Kompaniya tomonidan shaxsiy ma'lumotlarni yig'ish, qayta ishlash va saqlashga roziligini tasdiqlaydi.

5.5. O'yinni o'tkazish bilan bog'liq barcha nizolar muzokaralar yo'li bilan hal qilinishi kerak. Agar nizo kelib chiqqan kundan boshlab 60 (oltmish) kalendar kuni ichida tinch yo'l bilan kelishuvga erishishning imkoni bo'lmasa, nizo O'zbekiston Respublikasi Toshkent shahar fuqarolik ishlari bo'yicha Mirobod tumanlararo sudida ko'rib chiqilishi kerak.

5.6. Sovrinda nuqsonlar yoki boshqa zavod nosozliklari aniqlangan taqdirda, G'olib mukofot topshirilgan va G'olib o'tkazmani qabul qilish dalolatnomasini imzolagan paytdan boshlab 10 (o'n) ish kuni ichida Kompaniyaning bosh ofisiga murojaat qilishi zarur. G'olibning yutuq uchun belgilangan foydalanish yoki saqlash qoidalarini buzishi yoki uchinchi shaxslarning harakatlari yoki fors-major holatlari tufayli yutuq G'olibga topshirilgandan keyin yuzaga kelgan kamchiliklar uchun Kompaniya javobgar bo'lmaydi.